



10. maj 2010

Inatsisartut suleriaasianni § 36 imm. 1 naapertorlugu Naalackersuisunut apeqqutit imaattut matumuuna saqqummiuppara:

Naalackersuisunut apeqqut:

- **Nunaqarfinni aalisakkanik tunitsiviit tunisassiorfiit sulisoqarniarnikkut qanoq ingerlanneqarpat, qanoq politikkeqarfigineqarpat ? (Atammimmi tunisassiorfiup assersuutitut atorineqarnissaa kissaatigaara.)**
- **Ilinniarsimasunik soorlu ATI-mi ilinniarsimasunik tunisassorfinni sulisoqarnissaq qanoq pingaartinneqartigaa?**
- **Royal Greenlandip nunaqarfinni tunitsiveqarfiini ingerlataanilu qanoq ittunik piu-masaqaateqartoqartarpa: Aalisakkanik tunisarneq qanoq malittarisasaqartinneqar-pa ; aalisakkat pitsaasuunissaat anguniarlugu iliuitsit suut ingerlanneqarpat.**
- **Aalisartut sutigut suleqatigineqarpat aammalu oqartussaaqataanissat qanoq pingaartinneqartigaa? Aalisartut tunitsiviit ammasarnerannut oqaasissaqartitaallutillu sunniuteqarnissaat qanoq pingaartinneqartigaa?**

(Inatsisartuni ilaasortaq Ruth Heilmann, Siumut)

Tunngavilersuut:

Nunatsinni nunaqarfiit aalisakkanik pilersuisutut assut pingaaruteqartutut oqaatigisariaqartuupput, taamaattumik nunaqarfiit piujuartinnissaat inuussutissaqarnikkut assut pingaaruteqarpoq. Nunaqarfiit nunatta aningaasaqarneranut annertuumik iluaqusersuutaallutik sineriassuarmi siamasissumik inissisimapput, taamaalillutik nunatta napatinneranut tapertaalluatuupput siunissamilu pinngitsoorneqarsinnaassanatik.

Taamaattumik nunaqarfiit aningaasartuutaannartut isumalimmik oqaatiginittarnerit ilumuunngilluinnartutut oqaatigisariaqarpoq, nunaqarfinni najugaqartunut taamatut nikassaataasumik appiussisarneq piaarnerpaamik unitsinneqartariaqarpoq. Illuatungaatigut nunaqarfimmiut sapiissuseqarnerat pillugu nersualaarneqartarniarlik ilumoorlutik inooqataapput kulturitsinnillu tammasaaliuisuullutik, taamaattumik piginnaassusaat atorluarneqartariaqarput inuussutissarsiornerisigullu assigiinngitsutigut annertuumik tapersersortigik.